



選擇集決疑鈔





選擇傳弘決疑錄卷第五

沙門良忠述

第十二付屬佛名篇

問准法華華付屬儀式三摩付屬是顯照勸志示
未來流通今化極惡大悲窮極尤可三摩而何無
耶答化儀隨時設無三摩何必踈漏大品前後付
屬寶積會會付屬未言必有三摩儀式亦此例也
又可三摩文無者略也

觀無量壽經云佛告阿難等事

正明付屬者諸師多云流通不言付屬但天合云

結名爲付屬與今同也。問序分文云。阿難受持宣說佛語。地想觀云。沒持佛語。繇是觀地法華座觀云。汝等憶持廣爲大衆分別解說。流通分云。行此三昧者。又云。若念佛者。又云。持無量壽佛名。何云。唯以念佛付屬阿難。答流通有二。勸持流通除付屬外。自餘流通是也。二付屬流通持名文是也。勸持付屬之名目者出。自天台先勸持者從迹門中至干本門。神力品末懶相對機而暫雖勸受持流通。非殷懃儀然迹門者說未終故無付屬也。故

釋云。但有勸持無屬累也。此次付屬者本迹說已。三摩側塞三變淨土之菩薩頂而說今以付屬汝等。是鄭重之儀也。今釋同之。序正中有流通之文。唯云。勸持勸說。不名付屬。今至此文。始云付屬。究亦彼宗名目而已。私

云案疏文等事

一定散二念佛者。問下品念佛即是散善。何故定散外開立耶。答。既云案疏文有二行。即指今上來說等文也。今消此文故。且爲二行也。意云。先言上

來雖說定散兩門之益者第一物明定散二善也次言望佛本願專稱佛名者第二別明念佛一行也總中有別開其別行立爲念佛願佛願故超絕行政修十三觀可得往生其旨見經敢莫疑慮者經云唯願佛日教我觀於清淨業處又云唯願世尊教我思惟教我正受定善若不生夫人何謂故佛答言汝今知不阿彌陀佛去此不遠汝當繫念諦觀彼國淨業成者我今爲汝廣說汝當定善卷牙生佛所許說又云如來今者教韋提希及未來

世一切衆生觀於西方極樂世界以佛力故當得見彼清淨國土應時即得無生能忍此明如來欲爲夫人及未來等入觀住心疑神不捨心境相應見境得忍也未來凡夫不得定者如來勸發便成徒語又地觀文云若觀是地者除八十億劫生死之罪捨身他世必生淨國心得無疑又樓觀文云若見此者除無量億劫極重惡業命終之後必生彼國又座觀文云此想成者戒除五萬劫生死之業必定當生極樂世界又勢至觀云觀此菩薩者

不處胞胎常遊諸佛淨名國土指燭得生出此四觀又自餘觀宁其義非無謂樹觀成其見寶林網羅追暉懸天華分千色莫現他方又心水漸靜池觀成時正觀也池岸七寶朕水水色々々兼闊也華間樹上揚波々聲聲寶樹瑤池宛在眼前三昧定力盡資身後內况像觀真身觀觀音觀々々中有觀滅有滅罪依報觀尚生况五報觀勢至觀既生況雖地觀音又難想隨機想池水丈六易境轉心豈無觀成問現見當世無得定者故知經說

唯是方便大未來有正像未來有正法此界有中國邊境何局當有更難通說云散善有二一者三福二者九品者問三福九品是開合異更非別行何為二行者序分正宗二處說故分為一非謂體別並舉二者為以三福合九品行疏開爲二亦斯意也世間孝養者孝經云開宗明義章身體髮齒受之父母弗敢毀傷孝之始也立身行道揚名於後世以顯父母孝之終也又云上章資於事父以事母其愛同資於事父以事君其敬同故母取其愛而君取其敬兼之

者父也故以孝事君則忠同註云孝者子婦之高行也忠者臣下之高行也出言事君盡命曰忠事親盡力曰孝也事親盡命則曰之不孝所以毀父母之遺體也又同註云君子之道謙約自持居上不驕處下不亂推敵能讓在衆不爭故遠於咎悔無凶福之史比又云生則事之以愛敬死則事之以哀戚史記云家貧親老才擇官而任負重涉遠不擇處而息比論語云父在觀其志父沒觀其行三年無改於父之道所謂孝矣比出世孝養者行

事錄云二明生緣奉訊法五分畢陵伽父母貧窮以衣食供養佛言若人百年之中右肩擔父左眉擔母於上大小便利極世珍奇衣服供養猶不能報須臾之恩從今聽比丘盡心供養父母不爾者得重罪僧祇父母不信三寶者應少經理若有信者獨自終身無之若父母貧賤將至寺中若洗母者不得觸得自手與食父者如沙彌法無異一切皆得涅槃以佛法僧三事常住啓悟父母乃至七世皆令奉持乃至自學教人即名護法者得長壽善毗尼母

云若父母貪苦先受三歸五戒十善然後施與若
子貧雖學戒不令興凶分阿難詣授愛道戒中云
乳養長大有恩故佛言若聞三寶卽是報恩
何況得淨信等難寶藏慈童女長者家貧獨養老
母塊世得報緣鸚鵡孝養盲父母得成佛緣增一
云孝順供養父母功總與一生補處功德一華文云
教二人作善不可報恩謂父母也云是故比丘常當
孝順供養父母不失時節當如是學五百問論云
父母盲病無人供給得乞食與半自能紡績典衣

食犯非況爲理藏棺木等僧祇比丘不得喫阿父耶
耶阿即阿嬢阿婆阿兄阿姊乃至姨姑等不得喫
本俗名準應優婆塞優婆夷等增一云四姓入佛
法同名爲釋迦種子不得依俗姓比丘當學善見
云喫婢爲大姪子尙云婢阿摩母也尼者女也若
父母死自得輩屍增一云愛道無常佛自共羅云各
扶牀一角等淳飯王泥洹佛亦自舉之山林波峨
漏沒比丘不須反服依常爲要比資持訖云第二
弁生錄中初引緣佛下立制親擔父母者即執勞

奉事珍奇衣服者即供給所須右父左母者順陰
陽也或可彼方偏尊母故有云西土以東爲尊左
右南北是陰故然入
行所向不定如此須臾恩者懷抱長養至於長大經涉
多艱白弁勤苦不報須臾兒多時乎以道供俗本
是汙家產許二親故云聽也得重罪者違制吉羅
業道重故有云逆蘭許之二寧不信少經理者過令歸正
故經理謂供給管幹也有信恣與者必無虛費故
開將至寺者無親可歸故洗母不觸者者不關親故
父如沙彌者養同小衆故唐僧博云散脫常擔母

一頭經書一頭食手留母樹下入村乞食用以充繼
又齋遺紀亦以經書佛像老母掃幕擔荷而行每
謂人曰經不虛乎掃僧地必闇淨不如佛地一掌許
親供母者與登地菩薩齋人或助擔者紀曰吾母
也非他之母形貌之累並吾身也有身必苦何得
以苦勞人所以身爲苦先華勿相助此乃大慶豈
比常途舉教有小違而理歸太順酬恩竭力今古
無之三牛涅槃三寶一體體無生滅故晉常住啓
開也七世者北遠蹤云無始皆關門止七世但隨

世俗且言七耳即梵網云六道衆生皆是我父母
我生生無子從之受生是也母論貪者先法後食
不貪但法無所之故以分變道求出家如來不許
阿難代請之詞愛道是佛姨母併生七日摩耶命
終姨母乳養長大愛道在俗已證初果故云兒得
淨信是知生育恩大雖百年有苟不報須臾三寶
一關即酬重德故雖佛法可報劬勞自外供須終
名直養四中被經第一云併言我於過去世時婆
羅奈國有長者子慈童女父喪賣薪日得兩錢奉

養老母次得四錢八錢十六錢後欲入海採寶母
即抱提子制手絕母數根髮遂入海取寶還發時
有水陸二道即從陸道去及見有城紺瑠璃色有
四玉女擎四如意珠作樂來迎四萬歲中受大快
樂翻上次復前行見頗梨城有八王女擎珠來迎
八方歲夢樂翻上次復捨去至白銀城十六王女
擎珠來迎十六萬歲受樂翻上又復捨去至黃金
城有三十二王女擎珠來迎三十二萬歲受樂翻
上又復捨去遙見鑄城心生疑惑遂入鐵城

一人頭戴火輪捨著童女頭上翻復童女問獄率
言我戴此火輪何時可脫答言世間有人罪福如
汝然後可代又問今獄中頗有受罪如我者否答
言不可稱計聞已思惟願一切受苦者盡集我身作
是念已鐵輪墮地獄卒以鐵刃打頭命終生兜率
天時慈童女者即我身是當知於父母少作不善
獲大苦報少作供養付無量福童女是長者配偶人也亦是長者鸚鵡
彼云過去雪山有一鸚鵡父母都盲時有田主欲
種穀時謂言與衆生共食鸚鵡子即常於田採取

以供父母田主按行苗稼見諸惡鳥剪穀總處瞋
恚使設網捕鸚鵡子言田主先有好心何見網捕
且田者如母常生長故種子如父相繼續故實語如子可寶惜故
田主如王擁護由已得自在故作是語已田主歡喜問
言汝取此穀何爲答言有盲父母願以奉之佛言
鸚鵡者我身是田主者舍利是盲父母者浮餃聲
耶是增一兩節初授量功德一生補處即等覺菩薩
唯知孝養功德唯降佛菩薩戒云孝順至道之法優
善亦謂至德要道則萬善之總百行之源佛釋皆然

禪門尤切當富恩報勿得背恩文下次明恩大文
合作又並增一故謂雖以善導因極難酬故云不可
報或可教導餘人可使報恩父母有恩故不望報
是下結勸五中論舉盲病餘病例然又但闕所須
不必在病自能紡績者將舉微賤類餘充足不須
施與祀業即吉同汙家故垂此斟量六中僧祇令
改俗阿字入呼準應即義準文不出故增一明易
姓波云四姓出家同拂髮氏即謂比丘非關俗士
此明離俗已後不得依本族姓也善見召禪既已

出家則非所屬故加美飾不復本名阿摩尼即佛
召姨母之号然此二號乃是通召女流僧祇所制
即局本時親疇故不同也七中初聽輩冕引經數
據波文云愛道涅槃佛與阿難難陀羅云輩冕歛
稽梵釋曰王欲代為之佛皆不許為報恩故淨飯
亦然岐音頗峨音我謂傾動也次剉反服今時多
著綵帛袈裟乃以布衣為孝服又云僧無服制但
布少鹿是不聞智論云如來著鹿布伽梨傳譟至
今愚迷不改文有白帽素條蒲鞋火杖倣同鄙俗

一任愚情覩此明文早須悛革比仁義礼智信者
憲而言之則号之孝行闢而名之則云之五常弘
文一云慈㠱育惻忍仁㠱德推遷為義進退合儀
為札權寄招據為智言不可反覆曰信老子曰先
道而後德先德而後仁先仁而後義先義而後礼
先礼而後智先智而後信彼老子意巨道為本信
不可忘道非狀迹存五德比五行大義云九常
仁義礼智信也行之終久恒不可闕故名為常以
此能成其德故云五德殺乖仁盜乖義端乖礼酒

乖督妄乖信照傷不啻曰仁清察不盜曰義防害
才端曰礼持心禁酒曰智非法不言曰信此五不
可造次而舒馬融云造急於也孝養奉事為往生業者問
疏二云世善輕微感報不具既判感報不具今何
立世善往生之義乎苟凡驗經意為化定散機更
然定散法定散若不成何備定散機若許其行成
寧子成往因且三福中世善取劣為讚戒福且毀
世福雖同往生而有勝劣是故彼文更無相違故
疏四五云或有一入單行世福姻亦得生或有一入單

行戒福迴亦得生或有一人單行行福迴亦得生等復九品中上六品行皆以餘行各爲生因來迎佛讚駕局受法若云餘行不生者恐乖二尊之意加之大師定判祖師口決皆許定散住生之義莫言宗意不明諸行往之義下缺慈心不殺修十善業此有二義者九品往生義云少害物命名不殺即是十善中第一戒善也剎又釋慈心者是四無量心舉初顯後故慈悲捨具足維摩經又說四無量心是菩薩淨土菩薩成佛時成就慈悲喜捨衆生來

生其國上解上品慈心今釋寫之又闍師觀經疏云慈心不殺者緣一切衆生欲與其樂故名爲慈四無量中慈無量也此心廣大得無量福能生淨土也比四無量者一慈二悲三喜四捨言無量者無量有情爲所緣故引無量福故感無量果故慈是與樂謂云何當令諸有情類得如是樂如是思惟入慈等至悲是拔苦謂云何當令諸有情類離如是苦如是思惟入悲等至喜是喜慰謂諸有情類得樂離苦豈不快哉如是思惟入喜等至捨

具平寺謂諸有情平等八十無有怨親如是思惟入捨等至此四無量不能令他實得樂等善阿世耶其勝解想相應而起願欲令彼得樂乃至捨故雖實未得更非顛倒故由此力能治貪等謂慈治瞋恚治害喜治不欣懶捨治欲貪瞋恚此緣欲眾一切有情不緣上界能治緣彼瞋恚障故謂於欲界有怨親中三聚有情能生嗔恚於有捨怨親等相使能伏除瞋恚類惱是故此境唯欲有情具如俱舍不能廣釋問慈心不殺以舊四無量心其義

不明今說散善彼定善改名唯俱舍論四無量心依地異說不同故論二十九云第3但依初二靜慮喜受攝政餘定地無所餘三種通依六地謂四靜慮未至中間或有欲令唯依五地謂除未至是容預德已離欲者方能趣故或有欲令此四無量隨其所應通依十地謂欲四根本近分中間此意欲令定不定地根本加行皆無量攝比第三義許通欲眾故九品義意依憑而已大乘三歸者為受三聚十重等戒通歸三種四種三寶小乘三歸者新學

各句中云五種三歸一翻眾三歸二五戒三歸三
八戒三歸四十戒三歸五具戒三歸比俱舍等意具
足戒者羯摩艾戒非受三歸更可思擇大小乘戒
者五戒八戒沙彌十戒比丘二百五十戒比丘尼
五百戒是名小乘戒三聚淨戒十無毒戒以十八輕
戒等是名大乘戒八萬以三十威儀者云四教善
提心者止觀一云推理發心者法性自元而天然
集不能染苦不能惱道不能通滅不能淨如雲龍
月不能妨害劫煩惱已乃見法性經言滅非真諦

因滅會真滅尚非真三諦焉是煩惱中無善提于
心中無煩惱是名推生滅四諦上求佛道下化衆
生發菩提心推無生四諦發心者法性不異苦集但
迷苦集失法性如水結爲冰無別水也達苦集無
苦集即會法性苦集尚是何況道滅經言煩惱四
是菩提六即は煩惱是名推無生四諦上求下化
發菩提心推無量者夫法性者名爲實相尚非二
乘境果况復凡夫出二邊表別有淨法如佛藏經十
喻云是名推無量四諦上求下化發菩提心推無

作者大法性與一切法無二無別凡法尚是況二乘乎離凡法更求實相如避此空被處來空即凡法是實相不須捨九向聖經言生死即涅槃一色一音皆是中道是名推無作四諦上求下化發菩提心私謂生滅者三藏無量生者通教無量者況教還作者圓教十之十各有四諦十無常故名生滅四諦本空故古無生四諦通界內界外若干無量故名無量陰入界如名苦諦塵勞本道名集諦邊邪中正名道諦生死即如名滅諦四諦皆是實

相不思議第一義故名無作名推生滅等四諦方發無上菩提心是名推理發心觀相好神通法滅等發菩提心亦有四教文廣子述真言菩提心者非談義法本法有制四載其義華嚴菩提心者遼心安樂道云今依此文略弁其相於中有二先明五因後明助緣所言正因謂發無上菩提心也即不願世間富樂及與二乘菩提涅槃一向志願三身菩提名無上菩提之心極標雖然於宁有二一者隨事發心二者順理發心言隨事者類指無數欲悉斷

之善法無量願悉修之衆生無邊領悉度之於此
三事決定期願和是如來斷德正因次是如來智德
正因第三心者恩德止因三德合爲無上菩提即是
三心總爲無上菩提之因因果雖異廣長量齊等
無所遺無不苞故如經說三發心畢竟二不別如
是二心前心難自未得度先度他是故我初發心
此心果報雖是菩提而真華報在於淨土所以然
者菩提心量廣大無邊長遠無限故能感得廣大
無際報淨土長遠無量正報壽命除菩提心還

能當彼故說此心爲彼正因是名明隨事發心相
也所言順理發心者理信解諸法皆必幻夢非有
非無離言絕慮依此信解發廣大心雖不見有煩
惱善法而不捨無可斷可修是故雖願悉斷修而
不違於無想三昧雖願皆度無量有情而不存有
能度所度故能隨順於空無相如經云如是滅度
無量衆生實無衆生得滅度者乃至廣說故如是
發心不可思議是明順理發心相也隨事發心有
可退義不定性人亦能得發順理發心即無退轉

善薩性人乃能得發如是發心功德無邊設使諸
佛窮理効演說彼諸功德猶不能盡正因之相略說
如是比三論法相菩提心相不遑廣述意氣轉遠
等者如三論玄云大乘轉與不可具明世間因果
者有漏因果名爲世間破壞義故流轉義故如正
法念經說者諸經論中雖亦宣說十二因緣流轉
行相而波經說五彩分布之詳而廣明五道流轉
相故別指耳出世因果者無漏因果名爲出世謂
諸出離行名出世因遂到所期名出世果且依天令

者波宗意聲聞乘是三藏支佛是通善薩是別佛
是圓是依涅槃四乘觀智而立四教之意也言四
乘觀智者下智觀中智觀上智觀亦次藏
通別圓本名也華嚴說別圓故云說佛菩薩因果
方等般若法華涅槃例之可知問阿含唯說藏教何
言說聲聞緣覺因果耶緣覺乘即通教之十中智
觀故如何名此四乘觀具堅橫二義橫則教教皆
有四乘堅則四教配舊四乘若約堅者實如所責
今約橫義故阿含中具說二乘也問若約橫義者

可云四乘何言二乘耶答阿含經意正化二乘傍
爲菩薩今從正見故云二乘也讀誦大乘者九品
義云對文名讀離文相誦大者普遍廣博之義乘
者即是運載之義謂進一切盡十群生證大覺果
故名大乘此五種法師者一受持二讀三誦四解
說五書寫也出法華法師功德品一種法行者天王般若云有
十種法行一善寫二供養三流傳四諦聽五披讀
六憶持七廣說八詣誦九思惟十修行此中邊論
云釋十種法行但限大乘此已結集未結集等首

一釋文記云華嚴經有六本恒本

於一一毛端處念念中以微塵數身

盡未來際常說无有窮息此非可結集亦非下位所受持墨書一品下引窮盡如是故號微塵數諸菩薩以陀羅尼足力所受持也已上二本非結集本有上本結集中之上本也有十三千大千四千本有十九万八千八百偈一千二三百品已上一本并五紳在首宮非闍浮人玄所受持故此不傳

下本有十万頃三十八六略本六十卷本是也十千頃要畧所出此士所傳也私謂華嚴既爾餘經例知又傳聞法華經西天梵本布一由旬城即上初福第一第二句意者問孝養仁慈如次可合彼第一第三

句何云第二句耶答教上慈下二義別故合四句
爲第二句以上二句爲第一句以下二句爲第二
句也或可言第三句言第二者一點缺數若准上
三福第三福大乘意者問且下品三生之念佛疏
中不合三福今何合行福耶答疏中以六念合行
福大乘之意義故知念佛應合行福大乘章義也
但至疏中不合者但是文略問何故略之答准上
六念所例知故然今學者云下三品念佛非三福攝
亦未受法云私謂此義既違此集何足云也但彼

執者云疏文既以下三品三生念佛不合三福亦
不屬第六門此乃念佛通九品故別不可爲一品受
法也今謂疏中以念佛不屬第六門者十一門次
第雜亂故也譖下三品至第九門遇善知識時逆具
前八門故不云第六門縱以罪惡屬第五第六門
終至最後而行念佛偏可舊舉九門故亦不云第
六門也然執者但者略文起異解違此集文嘲上入
義得失之間何是何非疏既不云下三品念佛非是
受法何況文前或云善惡二行或云受苦樂二法

是豈非云三吊念佛第六門明文在此迷者可憐
又學者多附此集而言念佛非定散攝即此集中
釋定散已結云定散二善大抵如此文即云上來
雖說定散兩門之益是也次念佛者專稱彌陀佛
名是也比故知念佛非定散攝云此亦不爾散善
之文極至下輩若存此義有正宗中子說本願念
佛之咎若以三心而囑念佛亦有心行雜亂之咎
但至今釋者且消上來雖說華文意也被文亦釋
經名号付屬文謂正宗中雖廣說定散念佛而至付

屬文唯局念佛者順佛本願故也自惣中而抽別
非諸念佛離定散行故辨疑論云或深或淺通定通
散丘菴曰本願念佛等者菴直不說本願念佛謂
純說本願文在大經故讓彼不能說也又說定散
等者荅觀經說定散衆機樂欲異故說對
其機說應定散而今言爲廢而說者對隨自機顯
佛願時佛意亦自有廢餘意故言爲廢非謂如來
直爲廢說定散說也傳聞蓮華谷始見此華文心
中思念此集之趣頗似偏執其夜上人入夢所謂

天王寺西門有多病者疲卧道旁時有一聖手執
一鉢入澆湯灌病者口問曰此誰人乎傍人答曰
源空上人夢覺已後深生隨喜即解夢云辭如病
重不能食飯唯好玄甫梨淮南橘病彌尅時亦嫌
菓子僅飲澆湯暫支性命今迫末劫法命至喉真
言止觀梨無含三論法相禱苦口雖有念佛是爲
良藥當知上人可是知時鑒機偏勸念佛云散善
十一人者指三福之十一句也隨他之前導者述
上來雖說定散兩門之益等文意也言開閉者是

說點義謂始自序至勸持流通追隨他機雖開說
定散兩門益至付屬時點而不說故言還閉者念
誦一門非啻上來說亦付歸時垂局此法此則平
願行故佛意在令一向稱名故言一開後永不閉
也隨自隨他言出涅槃經經三乘法名隨他意語
一乘法名隨自意語天台依經亦用名目今釋隨
義轉用而已

第十三念佛多善根篇

多善根者一念乃至十念等能得無上大利不可

思議功德故名為多岐群疑論七云此念阿彌佛
一聲已上即是無量無邊殊勝功德故名多岐又
靈芝云問四字名號凡下常聞有何勝能超過衆
善者佛身兆相果德高深不立嘉名莫彰妙體十
方三世皆有異名況我繖院以名攝物是以耳聞
口誦無邊聖德攬入識心永為佛種頓除億劫重
罪獲證無上菩提信知兆小善根是多功德也華
嚴云寧受地獄苦得聞諸佛名不受無量樂而聞
諸佛名乃至廣說凡小善根者餘諸雜行功德少

故名為小善故釋云隨緣雜善恐難生灵芝云如
來欲明持名功德先貶餘善為小善根所謂布施
持戒立寺造像禮誦坐禪懺念佛行一切福業若
無正信迴向期求皆為小善兆往生因若依此經
執持名號決定往生即知稱名具多善根多福德
也比意云餘善正信難立故多分不生云兆往生
因非謂全不生念佛正信易立故決定往生云多
善根等閑少善若雜行者雜行生彼土內云不生
答修雜人中有堪能機至心生彼故餘經中盛說

往生今經為令不堪之機不行餘善嫌云不生是則大聖善巧逗物機設毀讚言故釋家得旨改不生文述恐難生希有一二三五得生故恐者恐慮不生之文難生者對易生之言非謂全不生難易相對其義則是間釋之與經非可鉢循恐字恐慮餘經生文被說生者教門方便更非實義獨局念佛誠有證誠即其義也既無證誠知方便說如云壽命延長難可量實雖無量亦云難量苦言有量能壽常住何有盡期又如云九夫亂想恐難生亂相

之眾雖全不生亦云難生故今釋雜善恐難生以全不生應言難生若存諸行不生義者諸經明文皆悉破壞今家定判僉成虛說况上六品來迎佛讚專在餘善若屬虛說釋迦彌陀成設妄言若云妄言恐招謗法之過者歟不可不慎但證誠有無諸經不同何無證誠之諸經典皆屬妄語獨局證誠經得名實說哉至所難文者壽命延長難可量等者實無量故雖云難量隨緣雜吾恐難生者對其易生之難生故希生言難有何妨耶問難生之

義雖是兩乘今恐難生全可同經何會得云希生
爲難但任汝情委會經文答難字若許有兩乘義
汝之義豈道此難唯約多分可會今文經云難信
之法豈全不信念佛哉今家亦云佛道人身難得
今已得淨土難聞今已聞寺此皆希有名云難也
此例未一凡三經所說今案定判咸明諸行往生
之義五香相對不立生不生對十三失中不判有
不生失但至千中無一文者既置不至心言子足
爲難未見一處述子生義何局今釋定判雜行不

生之義况者今文勢改不生文釋成難生定有深
意按餘處釋驗今文意爲許希得一二之義故云
事讚云一切福業者迴向終時化佛自來迎比解
彌陀經釋許諸行柱生何堅執不生耶或凡夫亂
想恐難生者凡夫心多散亂是卒亂想諸經盛說
凡夫往生十方淨土恐慮此說故置恐言難生者
對易生之言謂爲勸西方極樂易往顯示餘方淨
土難生勸向西方爲別異耳故云如來別指西方
國大經云易往而無人礼讚云以無願力易得往

生今云一切佛土難生難易相對其義分明故群
叢論云且如觀經等中勸生西方一顯九夫二明
未來三彰造罪四有十方諸佛舒舌證誠五有多
不經文同證依之修學無有疑惑故此西方淨土
業場可依行諸經既無前件等文唯有一句炳向
勸生之處難可依行何故捨廣多文可而就小經
文耶比餘方淨土翻之可知故同上文云一有說
無勸二有勸機少三勸文不異比

阿彌陀經云不可以少善根等事

一日七日執持名号者問爲臨終念佛爲尋常別
行答尋常別行法事讚云七月七夜心無間長時
起行倍自然云既對長時云七月知是別行閻觀
念門云上盡百年下至七日一日十聲三聲一者
一聲等既對一形言下至七日等是以判臨終七
日行答不爾彼文所言七日等者亦是尋常別行但
言百年一聲等因釋別行廣解長身短時念佛也
或漏施經七日念佛雖是尋常別行意亦通於臨
終故觀念門釋其義耳又戒珠傳云道綽曰須依

小阿彌陀經一七日相續無間念名号若滿一百万
返必得往生釋遁生信此言修七日參佛行果得一
百万反晝夜六時不眠卧此第十七夜五更聞空中
聲言淨業已立必得往生劫後九年我來迎之所
示才達六十有五身有微疾而無惱氣絕終向西
方說一偈曰西方聖衆現來迎神散心念佛功德
難測比天台阿彌陀經義記云心不顛倒即得往生何
以故歸終一念用心懇切即當得去意心略記云問
一七日等爲是尋常爲是歸終咎由尋常所行得歸

終正念也然義記云歸終一念用心懇切即當得去
此釋歸終正念之用非言七日必近歸終比禪林彌
陀經要記云七日行後數雖造罪而必行法決定
業故是人臨終持心不顛倒懺悔滅業心得往生或
七日後不遇惡緣是以大呑滅德力破一切諸佛
所護念故由此爭諸師判尋常行也又群疑論五
云阿彌陀經對經日死人能念佛亦生淨土以此
釋臨終一心不亂者起行之釋專注不敢名爲一
心故礼讚云乃至七日一心拂佛不亂法事讚云

七日七夜心無間違皆云一心不亂者專注無散
也冥契云後一句指一心教數想此一句經正明
成業先須收念而向西方合掌正身遙想彼師塊
坐道場依法莊嚴光明相好自慨此身久沈苦海
漂流生死孤露無依讐如嬰兒墮在坑牢叫呼父
母急救危忙一志依投懇求脫免聲聲相續念念不
移比祖師小經釋云一心才亂者念拂時心不散
亂至誠至信專念無訛也比此等文約起行而釋
一心義又通安心一心上人云平禪至心信樂欲生

我國觀經三心小經一心皆三心也或人問云阿
彌陀經所說一心當我等分云何得意上人答曰
一代所說彌陀行相不出四十八願之意願文既
云至心信樂等如一心者指三心也已上二義俱
祖師義故知一心通二義也教念彌陀專復專者
先師云初之專者對正行於雜行而言專後之專
者對正業於助業而言專也私謂或可畱言者表
志之鄭重謂專念之勸佛意懇切政釋家探教旨
可弗置專字矣長時起行倍昔然者是因十日行

勸長持延行嚮盡形行念念倍僧更無退屈也却
觀忘法門云七日七夜及盡一生等坐時即得無
生忍等者得處不退名無生忍進入初住位不退
云詣得不退始入三賢故云入三賢也

私云不可以少善根等事

襄陽石刻等者龍舒居士大智律師俱引彼本以
爲規摸龍舒者王日休先生也形在家心出家志
求出離作淨土文云隋陳仁陵者靈芝云梁陳仁
陵梁隋相並故非相違若此依經執持名号決定

往生即知稱名是多善根多福德也背作此解人
尚遲疑近得襄陽石碑經本文理冥符始懷深信
彼云善男子善女人聞說阿彌陀佛一心不亂專
稱名號以稱名故諸罪消滅即是多善根多福德
因緣彼石經本梁陳人書至今六百餘歲竊疑今
本相傳記脫出梁隋相並故非相違戒度聞持記
云彼云下正引文據彼石下較經得失梁陳乃南
朝兩國之名朝散即陳仁陵書碑在襄州龍興寺
本朝殿撰李公諱支聞字季益嘗守官於彼持此

經歸藏唐疏主得之喜不自勝遂復刊石立于吳
芝大殿之後續因兵火梵毀懸支逆推梁陳去普
未遠可驗得真今本既經六百餘歲中間傳寫訛
脫可知比非啻有多少善義等者梵言摩訥是大
多勝義也今雖對竹牒之不玄捺符唱葉之文可
又大一字具有大多勝三義謂勝人稱大人是大
有勝義也形大稱大人直是大義也多人稱大衆
是大有多義也

是法
快意

第十四 六方諸佛唯證誠念佛篇

言證誠者誠實也證驗也所謂諸佛證明釋迦所
說念佛是誠實語也問何故此經獨明舌相證誠
者群疑論二云今說阿彌陀經言五逆十惡罪根
衆生唯能念佛皆生淨土雖無弟子信向之者亦
生疑惑不信此言況是今衆四部衆咸有正信尚
疑念佛不即得往生故知此經甚難生信一切種
智預知未來有此衆生懷疑者衆故同吟舌相表
法至真勸物修學又往生淨土勝行已上三賢菩
薩或龍樹等得生西方極惡凡夫乃至正信彼諸

勝人福多罪少得生淨土有何可恠五逆十惡凡夫一念十念至誠徹到乘佛本願得生西方十地三賢諸菩薩衆亦信此事不起疑心唯說下品下生五逆十惡如此愚人無惡不造逢善知識教稱佛名具足十念即生淨土還是此輩十惡衆生不信念佛得生淨域我等更是罪惡凡夫無始已來是慳著犯忿佛十聲有何功德令我重罪則得除滅往生西方極樂世界此但是佛攝引之言或是遠聲作近聲說是第二階法或言別時之意禪

種異解不信即生斯誇極多信順甚少故此言教爲信者希諸佛同舒舌相徧覆三千之界證法不讓決定得生護念行人令生淨土比通贊云證小事即覆面門以至髮際今證大事故至三十今證因微果勝恐衆生疑此乃捨苦惱之要門證常樂之疾路事既廣大現瑞非輕舒舌相而徧覆大千證西方而具快樂也比聞夫證誠者爲令此衆聞他佛誼發起信心而於本國詮誠實言不足證誠答群疑論二云現不慮誰之舌相發誠諦之真言令

衆生覩預聽言除疑生信此會衆既許見舌相
聞言說故成證誠義也又通贊云開靈山開塔要
似召集分身舍衛答遣僧故不邀諸佛召佛開
其寶塔赴彼佛之願心證土啓相信誠顯此尊之
慈惠但各居自國不至此方也此又法事讚云爲
其本國凡聖衆讚歎釋迦變現身又云十方諸佛
如恒沙還舒舌相爲娑婆遍贊云問汝等者爲是
六方諸佛告語自國聽從爲當釋迦勸誠祇園之
衆等觀此無勢兩目一意一地方諸佛告自國聽衆

二釋迦轉引彼佛意言證彼西方令一會衆生信敬
也比准此等釋舒舌相化通自他土故不偏來耳
善道觀念法門云又如彌陀經云等事

一切造罪凡夫者此經雖說善男善女依觀經意
言造罪也一聲一念者念稱相備名爲一聲唯念
無聲名爲一念次第配一下下中兩品受法

私問曰何故六方等事

天台十疑等者上釋云文雖在此無義通於後經
爲成此義引十疑論故知大經鼓音聲經雖無證

誠之文後二經俱含證誠義也問誰知天合意彼
二經無證誠文故大經下云無量壽佛威神無極
十方世界無量無邊不可思議諸佛必來莫不撫
嘆鼓音聲經云十方恒沙諸佛皆具讚彼安樂等
既有讚歎豈非證誠者讚歎與證誠有寬狹異讚
歎是廣證誠是狹何必須云讚即證誠一義云天
合之意引證誠文也但盛與不盛豈無與奪

第十五六方諸佛護念篇

言護念者通替云諸佛護持明記憶念也即舉行

雖廣難方念佛之功諸福雖多爭並持經之力故
使六方諸佛以神力而護持沙界聖人乃一心而
憶念故云一切諸佛所護念經靈芝云護謂羅護
不使魔燒念謂記念不令退失勢至章云十方如
來擇忘衆生好母憶子大論云譬好魚子母若不
念子即壞爛出

觀念法門云又如弥陀經等事

恒沙等佛共來護念者閱經不說諸佛來答既能
護念何不來現如阿彌陀觀音勢至常來至也橫

病橫死者藥師經云阿難問言九橫如何救脫
蘿言有諸有情得病雖輕然無醫藥及看病者設
復遇醫授以非藥實不應死而使橫死又信世間
邪魔外道販藤之師妾說福便生愁動心不自正
卜問覓縮殺種種衆生畔奏神明呼謹魍魎請乞
福祐欲冀延年終不能得愚癡迷惑信邪倒見遂
令橫死入於地獄無有出期是名初橫二者橫被
王法之所誅戮三者畋獮嬉戲耽嬈嗜酒放逸無度
橫為非人奪其精氣凶者橫為火焚五者橫為水

溺六者橫為種種惡獸所啖七者橫墮山岸八者
橫為毒藥厭禱咒咀也冤鬼等之所中害九者飢
渴所困不得飲食而使橫死是爲如來略說橫死
有此九種其餘復有無量諸橫難可具說比

私問曰唯有六方如來等事

從佛即遣者問波羅云我從今日常使前二十五
半護持是人比觀念法門云又如十住生經說佛
告仙海盡菩薩及以阿難若有人專念西方阿彌
陀佛願往生者我從今已去常使二十五菩薩影

護行者以此以釋迦而爲能遣礼讚引之何以號
施為能遣乎答二尊大悲更無殊異釋迦既遣
施盡爾故礼讚文顯此義耳二十五丱者觀世音
菩薩大勢至菩薩藥王菩薩藥上菩薩普賢菩薩
法自在王菩薩師子吼菩薩脰羅尼并虛空藏菩
薩總藏并寶藏并金剛并金剛藏并光明王并仙
海慧并華嚴王并珠寶王善薩月光王菩薩日照
王并三昧王并定自在王并白象王
并大威德王并無邊身菩薩也出十住生經 即得延年

轉壽者因臨終要決云常自思念我現在之身多
有衆苦不淨惡業種種纏交放下身心莫生戀著
絕有病患莫論輕重便念無常一心待死由今此
延年轉壽之義盍妨一心待死之想答轉壽者護
念利益也待死者行者用心也莫言西方行者祈
願兜世長壽因若有行者恣求淨土兼祈延年亦
得往生若自念年壽者却成不厭穢土若無厭
穢之心尚有欣淨之思厭淨若無何生淨土但機
類萬品可有平生之時兼祈二世臨終之時偏期

往生遂其本意之人間全不期往生之類念深可
得延年轉壽各擅有其益安樂集云又辭齋經中
有一長者不信罪福年已五十忽夢見鬼賈符
來欲取之不過十日其人眠覺惶怖非常至明求
覓相師占夢師作封堪云有殺鬼必欲相害不過
十日其人惶怖倍常詣佛求諸佛皆報云若欲攘
此從今日已去專意念佛持戒燒香燃燈懸繒幡
蓋信向三寶可免此死即依此法專心信向殺鬼
到門是修功德遂不虛害鬼即走去其人緣斯功

德壽滿百年死得生天也

第十六以釋迦名号付屬舍利弗篇

問今所引文結集者言更非佛語况付釋耶合法
事讚受此文云般馱付雋故引之也問釋尚不去
難有違經失故況彼讚既舉末後一段有三重讚
誰定付雋言讚經家詞各委以讚文校經現文初
讚釋諸佛讚釋迦文即初至說是一切世間難信
之法次讚釋迦自讚文即舍利弗當知下至是
亦甚難後讚釋付屬文即佛說此經華文三段讚

受配文分明上來諸叟依經起盡今文亦爾不可
發疑故上人弥陀經釋云善導和尚釋聞佛所說
勸喜信受文云世尊說法時將了懶勸付屬彌陀
名比金與今同但至經無付屬言者是文略也故
釋家寄經家流通釋出付屬流通也問諸經流通
付屬隨時有無不定何必此經有付屬耶答鷲峰
之一會佛以名號付屬慈氏王官之一會亦以佛
名而付屬慶喜祇園之一會蓋以名号而付屬驚
予耶大師之深意在茲末代之淺識何疑

阿彌陀經云佛此經等事

世尊說法時將了者正說已了大衆將去佛定盤
勸付屬佛名故云將了生盲闡提輩者謗念佛者
愚癡故辭生盲不信故類闡提如疏四云三福俱
不打者即名十惡邪見闡提人也

私云凡察三經意等事

問前十五篇中皆引文後即釋其文何局此爲不
解當文總釋八種選擇之義乎卷文無別義故不
釋之耳又此集中無引諸文而但在顯選擇一義

故至文終委釋真相也雙卷經中有三選擇等者略舉八種若具存者散在諸文故今又加二十二補選擇之義一就雙卷經亦有一選擇謂三輩中偏局念佛而言一向此乃選擇一向也二就觀經文亦有一選擇謂下品三生對輕次重罪而說一十念此乃選擇遇惡待對也三就彌陀經亦有一選擇謂選擇少善選取大善此乃選擇大善也四就文殊般若經亦有一種選擇謂捨相貌選取戶号此乃選擇一打世五就普賢菩薩有一種選擇

謂華嚴云願我臨欲命終時等既臨終之時選擇餘淨土選取極樂求此乃普賢選擇西方也六就文殊菩薩有一選擇謂同四云願我命終時等此乃大殊選擇西方也七就觀世音菩薩有一選擇謂千手經云念我本師阿彌陀佛此乃觀音選擇本師也八就勢至菩薩有一選擇謂首楞嚴經云我本因地以念佛心入無生忍今於此眾攝念佛人歸於淨土此乃勢至選擇念佛也九就龍樹菩薩有一選擇謂十住論中立難易二道此乃龍樹選擇易

行也又就龍樹所造智論有一選擇謂波論云阿彌陀佛先世特作法藏比丘佛將導遍至十方示清淨國令選擇淨妙之國以自莊嚴其國出之乃智論選擇本願也抑第子然師入滅之後自勘得此文一人之斷簡龍樹之所釋彼此符合深以隋喜然則選擇本願之義更非上人之義即是龍樹之義亦非龍樹之義即是釋迦之義亦非釋迦此義即是法藏之義亦非法藏之義即是前佛之義也前佛義故即是法藏菩薩之義亦釋迦如來義亦龍樹

菩薩義亦法然上人義也晨且人師未立此義上人始立選擇之多尤以用心而已十就天親菩薩有一選擇謂往生論云云何讚歎口業讚歎稱彼近來名華此乃天親選擇名義也十一就慧遠大師有一選擇謂大師雖習學三藏之教法而選念佛爲得度要此乃慮山選擇得度也十二就曇鸞大師有一選擇謂遇流支即燒仙經而得觀經此乃鸞師選擇觀經也加之此師自立三選擇義謂在以在緣在決定是也十三就天台大師有一選擇

謂傳云火車相現能改悔者等除行非火車現時
改悔之法故知念佛獨化極遠此乃大台選擇念
佛也十四就道綽禪師有一選擇謂化并州令打
念佛十五就善導大師有一選擇謂正難助正分
別是也十六就懷感法師有一選擇謂見大師口出
光明專行念佛十七就少康法師有一選擇謂於
烏龍山築三級之壇集四部之衆令行道念佛十
八就法照禪師有一選擇謂詣竹林寺依二聖之教
化得末世之要法十九就慧日三藏有一選擇謂三

藏從天竺而歸後詳云印度諸衆偏興念佛云二十
就大智律師有一選擇謂師始崇戒律中宗上乘
終歸淨土便染患之時更歸淨土但行念佛云二
十一就慧心先德有一選擇謂要集序慧云顯密
事理之教行者為利智精進之者也佛念佛陀之一
行者為如予頌嘗之者也云二十二就法然上人有
一選擇謂自計機分亦驗佛誓使捨十一宗之出要
方期十八願之住益上來種種選擇之義即是先
師之遺範也又被示云吾使知大概訛之汝亦隨

有所是聞而集於選擇之文可續於此義之後云
夫速欲離生死華者此十六句集大意也謂初題選
擇終出八種皆是念佛超諸行故攝名行獨得選
擇名今為顯此意有此麌結也於中初四句者顯
第一篇次十二句顯第二篇舉此二意攝盡一部
後十四段莫非選擇念佛之故也問曰華嚴天台
等者上來偏依善導一師而勸念佛之故為然足
為依憑施此問答顯其總行也諸師各造淨土章
疏者華嚴海東元曉師遊心安樂道大經宗要同

私記小經記般舟經略記等天台智者五方便念
佛門觀經疏小經義記丁疑論法聰觀經記等真言
云禪門飛錫念佛寶王論西方讚文智覺神樓安
養財并方書同歸集等三論嘉祥大經疏觀經義
疏等沃相慈恩西方要決小經通替同經疏智周
小經抄義家大經述義記等略舉五三不遑具載
道綽禪師問吾尊等者問蓮華不萎事爾傳有異
說謂瑞牒傳中善道問道綽答也新修傳中或人
問善導奉也然今何言綽問導吾乎答誠雖為或

人問此緣數其深猶因請令入定決往生得否義
當遁繯亦問此事數德為要文不委細也復次言
或君非或人是或時也見傳前後綽公或時問善
道也彼瑞應傳是傳不同耳絕倫之譽不可得印
據者垂迹姓氏本生鄉里少年發願從師訢道精
進苦節入滅行儀帝者歸德今略不載具述誠傳
於是貪道昔披閱茲典粗識素意等者自下作者
述懷也上人昔崇德院銜守長承二年癸誕生父安
三年壬辰學攀盈穀峰同年同六
年二十九隱居黑谷

承安五年丙午歸善導疏入專修門四十謂為出離
生死雖學一切敬當我機失得度門後入報恩藏
周覽積年被閱一切經已及五遍和尚八軸之書
亦覽五遍文幽義邈未得其旨然後別開八卷亦
看三遍前後補按竊窺八遍縫至一心專念彌陀名
号之文正解素意偏行念佛九定業散業唯遁方
行方善雖多准選佛名一行以為正定之業中爰
知瞻尊念之文而七餘行仰佛願之語而除疑心
唯修拂晝可遂往生自爾以來自行化他華夷尊

早但唱佛名。昔生淨刹。然聞建文八年丁五月。比
先師始謁上人。上人至元夕元年七月受學八箇年余爰
月輪殿下被催宿。緣深以信仰歸以西方之行。請
以忘寐之文。上人遵命而作。此集時也。建文九年
作已纂示先師云。此集依仰不令流布。然而汝
是可傳此法之仁也。寫取一本。司令弘通未代。云
先師自寫魚網。敬受提撕。死如得函。猶亦以水薦
齋。十五年建曆二年壬正月二十五日午時上
人入城。經八十二年嘉祐四年閏二月二十九

日未時先師入城。丁弟子嘉祐二年九月八日
詣天福寺始謁先師。先師七十有三十八二箇年間。觀經
疏法事。讚觀念法門。禮讚般舟讚論。註安樂集。選
集刻被作加往生要集。并丁二門戒儀。一个讀傳
畢。但至般舟讚者。先師云。上人御時未流布。故不
開口。決今准八軸義勢所授也。云又選擇集。本有
廣略略。則高贊本有遺。弟云廣本者。執筆人為初
心者。後加名目。自有小異。不。逐高贊本。云此本先
師所傳。抑弟子有宿因值。開曉。但恨緣淺。終聞一

遍先師對衆示曰我平闡齡類在世不久思將來
療間肝腑不安然我法授然阿畢法燈何銷然阿
是予之成若也遺弟對此人可決不審云雖爲隣
言是永思出也亦過分之遺誠也今以三代相承
軛亂五卷決疑而已

選擇傳弘決疑鈔卷第五

